

Arkivnr: 2017/14820-9

Saksbehandlar: Solveig Lohne Rongved, David Aasen Sandved

Saksframlegg**Saksgang**

Utval	Saknr.	Møtedato
Utval for kultur, idrett og regional utvikling		23.01.2018

Bevaringsprogram for utvalgte arkeologiske kulturminne (BARK) - Prioritering av søknader til Riksantikvaren 2018**Samandrag**

Bevaringsprogram for utvalgte arkeologiske kulturminne (BARK) er ei nasjonal satsing på skjøtsel og tilrettelegging av kulturminne i regi av Riksantikvaren og fylkeskommunane. I sak 280/12 november 2012 vedtok Fylkesutvalet ei prioriteringsliste for BARK-ordninga. Det er krav om at kulturminne står på denne lista for å søkje midlar frå ordninga. Informasjon om tilskotsordninga ligg på våre heimesider: I sak 248/14 oktober 2014 vedtok fylkesutvalet ei regional tilpassing av tilskotsordninga med betre lokal forankring.

For 2018 har Hordaland fylkeskommune mottatt tre søknader på til saman kr 353.250,- frå tre ulike kommunar. Søknadsfrist til Riksantikvaren er 15. januar 2018. Hordaland fylkeskommune har fått utsett frist for å kunna handsama søknadene politisk.

Generelt	
Budsjett	Midlar til ordninga vert tildelt gjennom statsbudsjettet kap. 1429 post 70.
Søknadsfrist for tildeling	1. november. Årets frist utsett til 20. november
Vedtatt kriteria	Kriteria fastsatt av KIRU (før KURE) 7.10.2014, sak PS 248/14 .
Informasjon om ordninga	https://www.hordaland.no/nn-NO/kultur/kulturminnevern-og-museum/tilskot-til-skjotsel-og-tilrettelegging-av-arkeologiske-kulturminner-bark/

Tilråding av søknader til Riksantikvaren 2018	
Tal på søknader	3 søknader
Tal på søknader som er tilrådd stønad	3 søknader
Samla sum søknader	353.250,-
Tilrådd omsøkt til Riksantikvaren	353.250,-

Fylkesrådmannen sine overordna kommentarar til innstillinga:
Alle dei innkomne søknadene fyller kriteria for ordninga. Søknaden om midlar til prosjekt Steinalderstien i Austrheim er del av eit større fyrtårnprosjekt for tilrettelegging som vart tildelt midlar gjennom sak PS 77/2017 . Denne søknaden er difor gitt høgast prioritet.

Forslag til vedtak

Utval for Kultur, Idrett og Regional Utvikling sender dei alle dei innkomne søknadene vidare til Riksantikvaren med følgende prioritering.

1. Austrheim kommune «Steinalderstien»
2. Prosjekta «Skaganeset», Sund kommune og «Munkarøysi», Granvin herad, er likestilt prioritert.
3. Hordaland fylkeskommune vil i 2018 prioritera oppfølging av dei omsøkte prosjekta, samt ferdigstilling av eldre prosjekt som tidlegare er tildelt midlar.

Rune Haugsdal
fylkesrådmann

Per Morten Ekerhovd
fylkesdirektør kultur og idrett

Saksframlegget er godkjent elektronisk og har derfor inga underskrift.

Vedlegg

- 1 Bevaringsprogram for utvalgte arkeologiske kulturminne (BARK) - Skildring og vurdering av søknader 2018

Fylkesrådmannen, 08.12.2017

Bakgrunn

Bevaringsprogram for utvalgte arkeologiske kulturminne (BARK) er ei tiårig nasjonal satsing på skjøtsel og tilrettelegging av kulturminne i regi av Riksantikvaren, med midlar frå statsbudsjettet kapittel 1429 post 70. Fylkeskommunane, Sametinget og landsdelsmusea har høve til å søkje om midlar til dokumentasjon, skjøtsel og sikring, formidling, tilrettelegging og FoU-prosjekt frå ordninga.

Målet med Bevaringsprogram for utvalgte arkeologiske kulturminne

BARK har som målsetning at minst 450 kulturminne og kulturmiljø skal vera tilrettelagt innan 2020. Dette talet tar utgangspunkt i talet på kommunar og fylker då ordninga vart oppretta. Ideelt sett skal det leggjast til rette eit arkeologiske kulturminne og kulturmiljø i kvar kommune, samt eit større tilretteleggingsprosjekt per fylke.

Det er krav om 50% eigenfinansiering for tilskot gjennom BARK. Dugnad og kommunal eigeninnsats gjennom administrasjon, med meir, kan inngå som eigenfinansiering.

Prioritering av BARK i Hordaland

I 2012 vart det utarbeidd ei prioriteringsliste over kulturminna som er aktuelle for skjøtsel og tilrettelegging i Hordaland. Kommunane vart inviterte til å koma med innspel til lista, og fylkesutvalet vedtok prioriteringa i sak 280/12 21.11.2012. Då fylkesutvalet i sak 248/14, 30.10.2014 vedtok nye fylkeskommunale søknadsprosedyrer for BARK for å forankra prosjekta betre lokalt, vart det utarbeidd søknadsskjema, retningslinjer og informasjon om ordninga for å synleggjera denne gjennom nettsidene til fylkeskommunen. I tråd med retningslinjene skal Utval for kultur, idrett og regional utvikling (tidl. Kultur- og ressursutvalet) avgjera kva søknader som skal prioriterast etter innstilling frå fylkesrådmannen.

Ved prioritering skal det leggjast vekt på følgjande moment (i uprioritert rekkefølge)

- Tiltak med særleg høge opplevingsverdiar og stort formidlingspotensiale
- Tiltak med stort lokalt engasjement
- Tiltak i kommunar der det ikkje tidlegare er skjøtta og tilrettelagte arkeologiske kulturminne
- Tiltak med Universell Utforming
- Kulturminne som er prioriterte av kommunane

I tillegg er det krav om at det skal vera starta opp arbeid med kulturminneplan i den aktuelle kommunen, samt at det aktuelle kulturminnet skal stå på BARK-prioriteringslista.

Oversikt over innkomne søknader for 2017 (i vilkårleg rekkefølge)

Hordaland fylkeskommune har motteke totalt 3 søknader om BARK-midlar for 2018.

<i>Steinalderstien – Hogst i kulturminneområde</i>	Austrheim kommune
292.000,-	
<i>Munkarøysi – skilting av gravrøys ved tursti</i>	Granvin kommune
11.250,-	
<i>Kvalvågen – Vidareføring av prosjekt for tilrettelegging</i>	Sund kommune
50.000,-	

Til saman er det komme inn godkjente søknader til ein sum av: **353.250,-**. Sjå vedlegg for oversyn over søknadene med fylkesrådmannen si grunngjeving til kvar søknad.